

括地志

14

604

2

全二本

一





甜菊糖



括地志



括地志序

唐漢王泰之王魏時以司馬蘇勛勸著書奏撰括地志五百五十篇序略五卷著作郎蕭德言祕書郎顧允記室參軍蔣亞卿功曹參軍謝偃共相撰次歷四年成其書稱述經傳山川城冢皆本古說載六朝時地里書甚多以此長於元和郡縣圖志而在其先隋唐志載輿地志永初山川記諸書目凡數十種今惟水經注存大氏亡於宋南渡時括地志亦竟散佚其殘文時時

見於傳記所引張守節作史記正義不能博考
書傳獨特此疏證古地名通典太平御覽太平
寰宇記亦引之或稱爲坤元錄路史注引有括
地象按其文亦卽此書羅莘僅從他書鈔撮故
譌志爲象字玉海所引多於史記正義者其時
据史記注善本王應麟亦不見本書也序略起
魏武時置郡惟見初學記蓋其下卷餘書未見
引据按泰等以四年成此書當極精博今循繹
各條其考證經史不能斷制若舜耕歷山在濮

州而兼引蒲州首陽嬀州懷戎及越州餘姚之
山大邳在城皋而誤指衛州黎陽東山大別在
安豐而疑荊州章山爲與經史符會湯冢在薄
城伊尹在楚邱而又以爲俱在洛州偃師就其
所存之說可以覘蕭德言諸人之學識無過人
者然以周文王武王墓爲在萬年而以咸陽之
陵爲秦惠文王悼武王又知俗名周武王陵之
非是及載洛水一名漆沮水非古所渡漆沮以
岷山在岷州積石山在河州昆侖山在肅州之

屬俱非塞外之山皆足鍼砭流俗傳譌古迹與近世讀地里者好以新異說更古經傳之惑又惜不獲其全書矣此本既輯取傳注但依序略所載諸州編次爲八卷非原書卷第之舊自予在關中畢撫部幕府時搜訂成帙存書篋中比年監司魯宋攝按察於齊又以史記足注本屬楊甥文學元錫重加補掇適刊元和郡縣圖志成遂以此書相輔行世前後纂修閱七年猶有疏漏俟來者續成之時嘉慶二年太歲丁巳斗

昏建未之月觀察領河隄使者孫星衍撰於曹單河防工次

括地志目錄

卷一

序略

卷二

雍州

華州

同州

岐州

卷三

隴州

豳州

涇州

寧州

鄜州

延州

原州

靈州

夏州

鹽州

勝州

綏州

懷州	朔州	潞州	晉州	慶州
蔚州	沁州	沁州	隰州	蒲州
并州	澤州	澤州	慈州	汾州
嵐州	代州	代州	石州	絳州
卷四				
相州	磁州	磁州	衛州	
邢州	貝州	貝州	魏州	
德州	瀛州	瀛州	博州	
冀州	滄州	滄州		

陝州	唐州	唐州	平州	虢州
定州	恆州	恆州	幽州	易州
媯州	檀州	檀州	平州	虢州
卷五				
兗州	陳州	陳州	潁州	徐州
滑州	泗州	泗州	豫州	亳州
密州	青州	青州	濟州	濮州
萊州				
卷六				

淄州

宋州

鄆州

許州

曹州

沂州

洛州

鄭州

汴州

汝州

襄州

卷七

夔州

隨州

硤州

鳳州

利州

合州

鄧州

歸州

荊州

梁州

均州

商州

房州

益州

緜州

眉州

雅州

茂州

嵩州

徠州

朗州

昆州

光州

申州

壽州

濠州

廬州

舒州

滁州

楚州

和州

安州

黃州

卷八

秦州

成州

渭州

河州

岷州

洮州

涼州

肅州

甘州

沙州

伊州

文州

潭州

江州

涪州

鄂州

潤州	岳州	饒州	虔州
衡州	永州	道州	越州
杭州	宣州	湖州	辰州
建州	師州	黎州	外蕃

括地志卷第一

岱南閣叢書

賜進士第分巡山東兗沂曹濟兼管驛傳水利黃河兵備道孫星衍輯

序略初學記州郡部

魏武輔正吳蜀三方鼎峙疆場不定漢建安中
 置郡十二新興樂平西平新平略陽陰平帶方
 譙郡樂陵章武南鄉襄陵是也又省
 上郡朔方五原雲中定文帝受禪又置七郡朝
 襄陽陽廬江等七郡
 陽平弋陽魏興新明帝置六郡平公孫度得遼
 西遼西遼東帶
 城義陽安豐是也
 方元菟樂浪又少帝又置平陽一郡并得漢舊
 郡國五十四平蜀得二十郡劉備初置郡九巴
 東巴西梓潼江陽

文山漢嘉朱提雲南涪陵并得漢舊巴郡廣漢
 犍為牂柯越巂益州漢中永昌南安武都廣漢
 晉太康平吳之後天下一統荆揚也郡四十三
 孫權置臨賀武昌朱崖新安廬陵五郡孫亮又
 置臨川臨海衡陽湘東四郡孫休置天門建平
 建安合浦四郡孫皓置始安始興鄧陵安成新
 昌武平九德吳興東陽桂林榮陽等十一郡因
 立官陽一郡並漢十凡州十六冀克豫荆揚徐
 八郡合四十三郡
 益交廣是也
 管自蕩陰敗後羌羯交侵至乎
 劉曜陷洛陽於是司冀雍涼青并克豫幽平秦
 營十二州並淪沒矣後魏孝文帝都洛陽開拓
 土宇明帝熙平元年凡州四十六鎮十二郡國

二百八十九矣天平年凡州六十八至武定年
 凡州一百一十一郡五百一十九周明帝受魏
 禪至大象二年凡州二百一十一隋文帝受周
 禪至開皇三年罷天下郡其縣但隸州而已九
 年平陳以後四海一家大業三年罷州為郡四
 年大簿凡郡國一百八十三唐貞觀十三年大
 簿凡州府三百五十八

雍 華 同 宜 岐 隴
 幽 涇 寧

鄜州都督府 劉昫唐書地理志云貞觀二年置都督府六年又改為大都督九年復為都督府不著所督州

坊缺延

原 疑脫都督府劉昫唐書地理志云貞觀五年置都督府管原慶會銀亭達要

等七州 案此銀屬夏慶屬勝州惟

靈州都督府 劉昫唐書地理志云貞觀十三年廢迴環二州靈州都督入靈填二

州案所督丹州史不著

丹

夏 疑脫都督府劉昫唐書地理志云貞觀二年討平梁師都改朔方郡為夏州

都督府領夏銀綏三州案此有鹽州

銀 鹽劉昫唐書地理志云貞觀元年廢鹽州隸夏州都督府其年改為靈州都督府與此十三年尚屬夏州者不同

勝州都督府 劉昫唐書地理志云武德中平梁師都置勝州不著所督

綏 慶宜蒲虞汾

絳 泰晉隰慈呂

石

潞州都督府 劉昫唐書地理志云武德二年置總管府管潞澤沁韓蓋五州貞觀元年廢都督府又云貞觀元年廢蓋州與此同

為都督府又云貞觀元年廢蓋州與此同

沁 韓 澤

代州都督府

劉昫唐書地理志云武德元年置

總管六年又置管代蔚忻四州貞觀四年又廢

靈州當為雲州六年又督順州十二年省順州

忻 朔 蔚 雲

并州都督府

劉昫唐書地理志云貞觀八年督

後年

箕 嵐 懷

相州都督府

劉昫唐書地理志云貞觀十年復

置都督府管相衛黎魏洛邢貝七

州餘州不云督案元和郡縣志云

魏 黎 魏 洛 邢 霸

傅 冀 德 觀 深 瀛

滄 定 恆 并

幽 劉昫唐書地理志云幽州武德九年督幽

州北燕等十七州貞觀元年廢元州又廢北義

州廢都督案此無燕州又不云幽

州都督竟屬相州皆與史異

營州都督府

劉昫唐書地理志云武德七年改

總管為都督府管營遼二州貞觀

二年又督昌州三年又督師崇二州六年又督順州十年又督慎州餘州不云督

遼 師 昌 崇 慎 威 劉

唐書地理志云貞觀元年隸幽州大都督不云後改隸案此屬營州與史異

陝 穀 唐 克 陳 穎

徐州都督府 劉昫唐書地理志云貞觀八年管徐泗譙三州餘州不云督

滑 泗 譙 豫 亳 密

青 濟 濮 萊

齊州都督府 劉昫唐書地理志云貞觀七年又置管齊青淄萊密五州不云餘州

與此州不同

淄 宋 邨 許 劉昫唐書地理志云貞觀十三年改

置都督府管許唐陳潁四州十

海 沂 戴 曹

洛州都督府 劉昫唐書地理志云武德九年置領洛懷鄭汝等四州與此不同

鄭 汴 劉昫唐書地理志云武德四年置總管管汴洧杞陳四州七年改爲

都督府不 汝 襄

夔州都督府 劉昫唐書地理志云武德二年置總管管夔峽施業浦洛渝谷南

智務黔克思巫平十九州貞觀十四年爲都督府案此則十三年已爲都督府矣

萬 開 隨 硤 蓬 鳳

忠渠通集興利

温復合鄧歸

荆州都督府 劉昫唐書地理志云貞觀十年都督破禮朗岳四州案此不著

梁州都督府 劉昫唐書地理志云顯慶元年置都督梁洋集壁四州不云節州

均靜金巴商洋

渝房壁閬始梓

資嘉陵果

遂州都督府 劉昫唐書地理志云貞觀十年置督遂果普合四州案此合屬夔果

屬梁普屬益

益州都督府 劉昫唐書地理志云武德九年置督益綿簡嘉陵眉魏卽十州并督

綿大榮眉雅普

翼

茂州都督府 劉昫唐書地理志云武德七年督南會翼向維州窮炎徹管十州貞觀

八年改為茂州與此不同

簡向塗

戎疑脫都督府 劉昫唐書地理志云貞觀六年以開邊屬南通州六州置都督

府督戎郎昆曲協黎盤會鉤
身尹匡哀宋靡姚徽十七州
瀘州都督府

雋州都督府

冉 笮 維 徽 穹 郎

協 曲 袞 靡 微 姚

髡 州詳未 匡 宗 尹 會州詳未

槃 鉤 昆 陽 光 蘄

申 壽 昌 豪 廬 汚

荆

揚州都督府 劉昫唐書地理志云貞觀十年督

州史

滁 楚 和

安州都督府

黃

秦州都督府 劉昫唐書地理志云武德二年立

總管府管秦渭岷洳 秦

成 武 渭

蘭州都督府 劉昫唐書地理志云武德八年置

督蘭河鄯廓四州貞觀六年又督

西鹽州十二年又督涼州今督蘭鄯儒涇六州與此不同

河 鄯 觀中置都督府此不云廓

儒 岷 洮 宕 臺 橋

涼州都督府 劉昫唐書地理志云貞觀

肅 甘 瓜 劉昫唐書地理志云貞觀中復為都督府此不云

沙 伊 芳 文

松州都督府 劉昫唐書地理志云貞觀二年置

蛾彭軌蓋直肆位玉璋祐臺橋 叢可遠泰嚴諾

扶 岨 巖 秦 雅 叢

遠 其 生 諾 直 都

闊 出 嗟 懿 可 湊

般 鐘 匊 厥 器 當為調

流 邇 率 序 涇

軌州都督府

漳 津 立 玉 彭 祐

蛾

疊州都督府 劉昫唐書地理志云武德十三年

蓋立橋等州永徽元年罷案唐祐或

龍會

潭州都督府 劉昫唐書地理志云武德四年置總管府管潭衡永郴連南梁南雲南營八州七年改為邵州南營為道州督潭郴連永邵道等七州

費江涪鄂鄧潤

施岳

黔州都督府 劉昫唐書地理志云武德四年置督務施業辰智祥克應莊等州其年置費州夷州今督思辰施牢費夷巫應播充莊祥玳池矩十五州其年罷都督府置莊州都督

睦括常撫郴台

饒虔衡永邵連

婺道吉

越州都督府

袁州都督府 劉昫唐書地理志云武德五年管改洪饒撫吉虔袁江鄂等八州

袁杭宣湖蘇歙

辰巫南夷應琰

莊祥充播牢恩

高州都督府 劉昫唐書地理志云恩州武德四年置高州都督府管高春羅辯雷

寶崖新八州貞觀二十三年廢

循 建 振 昭 韶

廣州都督府

羅

崖州都督府

繡 辨 端 新 春 潘

實 邕 劉昫唐書地理志云六年潮

賀 封 梧 蒙 卽 龍

桂州都督府 劉昫唐書地理志云貞觀元年以欽玉南亭三州隸桂府二年省玉

州南亭州五年置賓州隸桂府六年又以尹藤

越白相繡鬱姜南宏南方南簡南晉十二年隸

桂州其年改越州為廉州亦隸桂府其年廢龍鬱

二州八年改越州為廉州亦隸桂府其年廢龍鬱

登州南宏為潘州南晉為邕州尹州為貴州靜

州為富州樂州為昭州南昆為柳州銅州為容

富梧藤容潘白廉瀟欽橫邕融柳貴十七州賀

廉 賓 藥 泉 欽 橫

貴 藤 象

交州都督府

儋 雷 峯 融 容 愛

龔州都督府 劉昫唐書地理志云貞觀三年置

龔州七年移龔今州東仍移龔州

括地志 卷一

十

之舊所置龔州都督府
督龔潯蒙濱登鸞七州

澄 鸞 濱 白 景 林

義 智 劉昫唐書地理志云寧州武德二
年置義州五年改為智州貞觀十

二年改為牢州案此則貞觀
十三年尚仍武德名未改也

驩州都督府 劉昫唐書地理志云貞觀二年置
領驩演明智林源景海八州十二

年廢明源
海三州

儋 崖

凡縣一千五百五十一至十四年西克高昌又
置西州都護府及庭州并六縣通前凡三百六

十州 俱初
學記

已上序略見初學記今據劉昫唐書地理志
校正其貞觀十三年制多有不同恐史之疏
舊本初學記尤多譌字今率依史正之尚不
能盡得也

南陵故縣在雍州萬年縣東南二十四里漢南

括地志卷第二

岱南閣叢書

賜進袁第分巡山東兗沂曹濟兼管驛傳水利黃河兵備道孫星衍輯

雍州

櫟陽故城一名萬年城在雍州東北百二十里
漢七年分櫟陽城內為萬年縣隋文帝開皇三年
遷都於龍首川今京城也改萬年為大興縣
至唐武德元年又改曰萬年置在州東七里

秦本紀

正義

陵縣本薄太后陵邑陵在東北去縣六里外史記

世家正義

杜陵故城在雍州萬年縣東南十五里漢杜陵

縣宣帝陵邑也北去宣帝陵五里廟記云故杜

伯也史記高祖本紀正義

杜伯國今永興長安縣南十五里有下杜伯冢

廟記云杜伯所築漢之杜陵今萬年唐杜兩國

也路史國名紀

終南山一名中南山一名太一山一名南山一

名橋山一名楚山一名泰山一名周南山一名

地肺山在雍州萬年縣南五十里史記夏本紀正義

畢原在雍州萬年縣西南二十八里史記魏世家正義

澧水即荆海猶柳之下流在雍州萬年縣史記封禪書正義

秦宜春宮在雍州萬年縣西南三十里宜春苑

在宮之東杜之南始皇本紀云葬二世杜南宜

春苑中史記司馬相如列傳正義

長安門故亭在雍州萬年縣東北苑中後館陶

公主長門園武帝長門宮皆以此立名史記封禪書正義

軹道在雍州萬年縣東北十六里苑中史記高祖本紀

漢霸昌殿在雍州萬年縣東北三十八里史記梁孝王世家正義

周文王墓在雍州萬年縣西南二十八里原上史記周本紀正義

武王墓在雍州萬年縣西南二十八里畢原上史記周本紀正義

也史記周本紀正義

秦故胡亥陵在雍州萬年縣南三十四里史記秦始皇本紀正義

右萬年

長安故城在雍州長安縣西北三十里漢之舊都本秦離宮長安故咸陽也玉海通鑑地理通釋

按史傳所載長安之名舊矣又盧縮封之初項羽未滅蓋長安得名非始于漢但未詳所在耳及高帝五年入關乃取長安以名縣也司馬遷

云長安故咸陽縣據當時之名因終說其事非謂封綰之日改咸陽為長安矣又按史記趙亦有長安君未詳趙取嘉名將更有長安地名也

長安志

按今縣界兼有周鎬京及杜伯國之地鎬京在今縣治西北十八里鎬池是杜伯國在今縣治東南九里下杜故城是又漢奉明縣地今縣治北八里奉明故縣治是

長安志

下杜故城在雍州長安縣東南九里古杜伯國

華州鄭縣也毛詩譜云鄭國者周畿內之地宣

王封其弟於咸林之地是為鄭桓公

史記秦本紀正義

蓋宣王殺杜伯以後子孫微弱附於秦及春秋

後武公滅之為縣漢宣帝時修杜之東原為陵

曰杜陵縣更名此為下杜城

長安志

漢書王莽以皇后有子孫瑞通子午道蓋以子

午為陰陽之王氣也風土記云王莽以皇后有

子通子午道從杜陵直抵終南

長安志

龍首山

三字意增

今按山首在長安故城中自漢築

長安城及營宮殿咸以堙平其餘卽今宮城之太倉以東是也長安志

豐水源在雍州長安縣西南山豐谷史記封禪書正義

豐水渠今名賀蘭渠東北流注交水長安志

豐水北經靈臺西文王引水爲辟雍靈沼據水經注

增今悉無復處所惟靈臺孤立今按臺高二丈

周迴百二十步長安志

瀉水源出雍州長安縣西北瀉池酈元注水經

云瀉水承瀉池北流入渭今按瀉池水流入永

通渠蓋酈元誤矣史記秦始皇本紀正義

鎬在雍州西南三十二里史記周本紀正義

今按鎬池水又北流入永通渠不至慈石門亦

不復入渭矣今圖經瀉水在縣西四十里其水

自鄠縣界入本縣界十里入清渠長安志

瀉水又名石壁谷水又名高都水漢王氏五侯

大治池宅引高都水入長安城長安志

漆渠二字增胡亥將運南山之漆而開此渠一云

築阿房宮開此渠而運南山之漆長安志

彪池二字意增今按其池周十五步長安志

豐鎬二水皆已堰入昆明池無復流派玉海宮室

昆明池在雍州長安縣西十八里玉海宮室

牛首池在雍州長安縣西北三十八里玉海宮室

秦阿房宮亦曰阿城在雍州長安縣西北一十

四里史記秦始皇本紀正義

周武王宮即鎬京也皇甫謐帝王世紀曰武王

自鄠居鎬諸侯宗之是為宗周今灃水之東長

安之南三十里去鄠二十五里鎬池即其故都

也長安志

未央宮在雍州長安西北十里長安故城中史記

高祖本紀正義近西南隅長安志

建章宮在雍州長安縣西二十里長安故城西

史記封禪書正義孝武本紀正義西一作中

壽宮北宮皆在雍州長安縣西北三十里長安

故城中漢書云武帝壽宮以處神君史記封禪書正義孝

武本紀正義

北宮在雍州長安縣西北十三里與桂宮相近

在長安故城中史記外戚世家正義

漢長樂宮在長安縣北故城中玉海宮室引坤元錄

蒲萄宮三字意增以太歲厭勝所在舍之北宮長安志

鈞弋宮在長安城中門名堯母門也史記外戚世家正義

漸臺在長安故城中關中記云未央宮西有蒼

池池中有漸臺王莽死于此臺史記後幸列傳正義

漸臺二字意增既云就車而之漸臺雖未央建章複

道相屬但漢兵既迫不應駕車踰城此即非建

章之漸臺明矣然則未央建章似各有漸臺非

一所也長安志

柏梁臺在雍州長安故城中玉海宮室

神明臺在長安西北二十里長安故城中西漢

建章宮有神明臺玉海宮室

昆明觀在雍州長安縣西二十里黃圖上林苑

有昆明觀玉海宮室

菑宿苑三字意增臣泰按其粟味甘而小不如三秦

記所說含消梨人間往往有之其大不至五升

亦不出此川矣長安志

漢太上皇廟在雍州長安縣西北長安故城中
酒池之北高帝廟北高帝廟亦在故城中也本史

高祖本紀正義

高廟在長安縣西北十三里渭南玉海郊

漢園丘在長安治內四里居德坊東南隅長安志

杜祠在雍州長安縣西南二十五里史記封禪書正義

磁石門一名卻胡臺長安志

虎圈今在長安城中西偏也史記封禪書正義

右長安

堯門山俗名石門在雍州三原縣西北三十三

里上有路其狀若門故老云堯鑿山為門因名

之武德中於此山南置石門縣貞觀中改為雲

陽縣史記秦始皇本紀正義

右三原

谷口故城在雍州醴泉縣東北四十里漢谷口

縣也史記淮南衡山列傳正義

右醴泉

荆山在雍州富平縣今名堀陵原史記夏本紀正義

沮水一名石川水源出雍州富平縣東入櫟陽

縣南漢高祖于櫟陽置萬年縣十三州地理志

云萬年縣南有涇渭北有小河即沮水也史記夏本

紀正義

右富平

雲陽城在雍州雲陽縣西八十里秦始皇甘泉

宮在焉史記秦始皇本紀正義

中山一名仲山在雍州雲陽縣西十五里又云

焦穫藪亦名瓠中在涇陽北城外也史記河渠書正義

甘泉山一名石鼓原俗名磨石嶺在雍州雲陽

縣西北九十里關中記云甘泉宮在甘泉山上

年代永久無復甘泉之名失其實也宮北云有

連山土人為磨石嶺郊祀志云公孫卿言黃帝

得仙於寒門寒門者谷口也按九夔山脫東中

字脫山西謂之谷口即古寒門也在雍州醴泉縣

東北四十里史記范雎蔡澤列傳正義

漢雲陽宮在雍州雲陽縣北八十一里有通天

臺即黃帝以來祭天園丘之處武帝以五月遊

暑八月乃還也

史記封禪書正義
孝武本紀正義

雲陽宮秦之甘泉宮在雍州雲陽縣西北八十

里秦始皇作甘泉宮去長安三百里黃帝以來

祭園丘處也

史記外戚
世家正義

雲陽雍州縣秦之林光宮漢之甘泉在雍州雲

陽縣西北八十里秦始皇作甘泉宮去長安三

百里望見長安秦始皇以來祭天園丘處

史記
匈奴

列傳
正義

雲陽陵漢鉞弋夫人陵也在雲陽縣西北五十

八里孝武帝鉞弋趙婕妤昭帝之母齊人姓趙

少好清靜六年卧病右手捲飲食少望氣者云

東北有貴人推而得之召到姿色甚佳武帝持

其手伸之得玉鉞後生昭帝武帝末年殺夫人

殞之而尸香一日昭帝更葬之棺但存絲履也

宮記云武帝思之為起通靈臺於甘泉常有一

青鳥集臺上往來至宣帝時乃止

史記外戚
世家正義

徑路神祠在雍州雲陽縣西北九十里甘泉山

下本匈奴祭天處秦奪其地後徙休屠右地

史記

匈奴列傳正義

益壽延壽館在雍州雲陽縣西北八十一里通

天臺西八十步玉海宮室引 史記正義

右雲陽

咸陽故城亦名渭城在雍州北五里今咸陽縣

東十五里京城北四十五里秦孝公已下並都

此城始皇鑄金人十二于咸陽即此也史記秦 始皇本

紀正義

咸陽故城亦名渭城在雍州咸陽縣即疑有公 孝字



徙都之者今咸陽縣古之杜郵白起死處史記 秦本

紀正義

安陵故城在雍州咸陽縣東二十一里周之程

邑也史記太史公 自序正義

蘭池一作蘭池即古之蘭池在咸陽縣界秦記云

始皇都長安引渭水為池築為蓬瀛刻石為鯨長

二百丈逢盜之處也史記秦始皇 本紀正義

秦望夷宮在雍州咸陽縣東南八里史記秦始 皇本紀正

義

棘門在渭北十餘里秦王門名也史記絳侯周勃世家正義

渭橋本名橫橋架渭水上在雍州咸陽縣東南

二十二里按此橋對門也史記外戚世家正義

細柳倉在雍州咸陽縣西南二十里也史記絳侯世家正義

世家正義

秦惠文王陵在雍州咸陽縣西北一十四里史記

秦始皇本紀正義

秦悼武王陵在雍州咸陽縣西北十五里史記

秦始皇本紀正義

俗名周武王陵非也史記秦始皇本紀正義

長陵在雍州咸陽縣東三十里史記高祖本紀正義

陽陵漢景帝陵也在雍州咸陽縣東三十里史記

孝景本紀正義又云四

十里外戚世家正義渭陽五帝廟在雍州咸陽縣東三十里宮殿疏

云五帝廟一宇五殿也史記封禪書正義

周公墓在雍州咸陽縣北十三里畢原上史記

公世家正義

蕭何墓在雍州咸陽縣東北三十七里史記蕭

家正義

右咸陽

渭南縣城

四宇

隋煬帝大業九年築

長安志

渭南故城在縣治東南四里西魏文帝大統十

六年築

長安志

右渭南

雍州新豐縣本周時驪戎邑左傳云晉獻公伐

驪戎杜注云在京兆新豐縣其後秦滅之以為

邑

史記秦始皇本紀正義

新豐故城在雍州新豐縣西南四里漢新豐宮

也太上皇時悽愴不樂高祖切因左右問故答

以平生所好皆屠販少年酤酒買雞蹴鞠以此

為歡今皆無此故不樂高祖乃作新豐徙諸故

人實之太上皇乃悅按前于酈邑築城寺徙其

民實之未改其名太上皇崩後改命曰新豐諛

高祖紀正義

驪戎故城在雍州新豐縣南十六里殷周時驪

戎國城也

史記周本紀正義

驪山在雍州新豐縣南十六里土地記云驪山

卽藍田山

史記周本紀正義

戲水源出雍州新豐縣西南驪山水經注云戲

水出驪山馮公谷東北流今新豐縣東北十一

里

史記秦始皇本紀正義

新豐縣南驪山上猶有露臺之舊址其處各露

臺

玉海宮室

秦始皇陵在雍州新豐縣西南十里

史記秦始皇本紀正義

秦莊襄王陵在雍州新豐縣西南三十五里俗

亦謂爲子楚始皇陵在北故亦謂爲見子陵

史記

秦始皇本紀正義

右新豐

藍田山

三字意增

臣秦案聖賢冢墓記驪山之陽多

美玉今縣西北四十里有驪山卽此山之北阜

驪山之陽或謂此也

長安志

灞水古滋水也亦名藍谷水卽秦嶺水之下流

在雍州藍田縣

史記封禪書正義

芷陽在雍州藍田縣西六里三秦記云鹿

當云白鹿

原東有霸川之西阪故芷陽也史記秦本紀正義

藍田關在雍州藍田縣東南九十里即秦曉關

也史記曹相國世家正義

皇子陂在雍州藍田縣西長安志

右藍田

犬邱故城一名槐里亦曰廢邱在雍州始平縣

東南十里已上史記外戚世家正義又引地理志云扶風槐里

縣周曰犬邱懿王都之秦更名廢邱高祖三年

更名槐里史記秦本紀正義

雍州三原縣有湯陵又有湯臺在始平縣西北

八里史記秦本紀正義

右始平

高陵故城在雍州高陵縣西南一里本名橫橋

架渭水上三輔舊事云秦于渭南有輿宮渭北

有咸陽宮秦昭王欲二宮之間造橫長橋三百

八十步橋北京石水中舊有脫付留神象此神

曾與魯班語班令其出留曰我貌醜卿善圖物

容不出班於是拱手與語曰出頭見我留乃出

首班以脚畫地付留覺之便沒水故置其象於水上唯有腰以上魏太祖馬見而驚命移下之

史記孝文本紀正義

右高陵

櫟陽故城一名萬年城在雍州櫟陽東北二十

五里秦獻公之城櫟陽卽此也史記項羽本紀正義

秦櫟陽故宮在雍州櫟陽縣北三十五里秦獻

公所造三輔黃圖云高帝都長安未有宮室居

櫟陽宮也史記高祖本紀正義

右櫟陽

焦穫亦名剗口亦曰剗一作剗中在雍州涇陽縣

城北十數里周有焦穫也史記匈奴列傳正義

右涇陽

頻陽故城在雍州同官縣界故頻陽縣城也史

秦本紀正義

頻陽故城在宜州土門縣南三里今土門縣併

入同官縣屬雍州宜州廢也史記絳侯周勃世家正義

右同官

雍州鄠縣東南山澧水出焉北人渭也史記夏本紀正義

雍州南鄠縣本夏之扈國也地理志云鄠縣古

扈國有戶亭訓纂云戶扈鄠三字一也古今字

不同耳史記夏本紀正義

周豐宮周文王宮也在雍州鄠縣東三十五里

史記周本紀正義

右鄠

秦長楊宮在雍州盩厔縣東南二里上起以宮

內有長楊樹以為名史記司馬相如列傳正義

駱谷關在雍州盩厔縣西南二十里開駱谷道

以通梁州也史記田叔列傳正義

右盩厔

漢武功縣在渭水南今盩厔縣西界也史記田叔列傳正義

故周城一名美陽城在雍州武功縣西北二十

五里即太王城也史記周本紀正義

故釐城一名武功城在雍州疑有脫字縣西南二十

二里古邠國后稷所封也有后稷及姜嫄祠史記周本紀正義又曹相國世家正義

壤鄉今在雍州武功縣東南二十餘里高壤坊是高櫟近壤鄉也史記曹相國世家正義

右武功

好時城在雍州好時縣東南十三里史記曹相國世家正義

梁山在雍州好時縣西北十八里史記周本紀正義

梁山宮俗名望宮山在雍州好時縣西十二里

北去梁山九里秦始皇起從山上見丞相車騎眾弗善即此山也史記秦始皇本紀正義

右好時

華州

萬里沙在華州按縣東北二十里也史記河渠書正義

鄭故城在華州鄭縣西北三里玉海通鑑地理通釋桓公

友之邑秦縣之又詩地理攷

故武城一名武平城在華州鄭縣東北十三里

史記秦本紀正義

右鄭

平舒故城在華州華陰縣西北六里水經注云渭水又東經平舒北城枕渭濱半破淪水南面通衢昔秦之將亡也江神送璧於華陰平舒道即其處也史記秦始皇本紀正義

華山在華州華陰縣南八里以上史記夏本紀正義又引云界八

里古文以為敦物也注云當水經云華嶽本一山

當河水過而行河神巨靈手盪脚蹋開而為兩今腳跡在東首陽下手掌在華山今呼為仙掌

河流于二山之間也關山圖云巨靈胡者偏得

神仙道能造山川出江河也史記封禪書正義

鎬泉二字意增是河眼亦謂之鎬池太平寰宇記云在華陰縣東十

九里其水或涌或止深不可測

右華陰

同州

雒陰在同州西也史記魏世家正義

同州本臨晉城也一名大荔城亦曰馮翊城史記

河渠書正義

伏龍祠在同州馮翊縣西北四十里故老云漢時自徵穿渠引洛得龍骨其後立祠因以伏龍為名今祠頗有靈驗也史記河渠書正義

右馮翊

重泉故城在同州蒲城縣東南已上史記秦本紀正義又引四十五里在同州西北亦四十五里史記河渠書正義

右蒲城

南芮鄉故城在同州朝邑縣南三十里又有北芮城皆古芮伯國鄭元云周同姓之國在畿內

為王卿士者左傳云桓公三年芮伯萬之母芮

姜惡芮伯之多寵人故逐之出居魏史記秦本紀正義

懷德故城在同州朝邑縣西南四十三里史記絳侯

周勃世家正義

同州東三十里朝邑縣東三十步故王城大荔

近王城邑史記秦本紀正義

同州馮翊縣及朝邑縣本漢臨晉縣地古大荔

戎國今朝邑縣東三十步故王城即大荔王城

史記匈奴列傳正義

大河祠在同州朝邑縣南三十里山海經云馮夷人面乘兩龍也太公金匱云馮修也魚龍河圖云河伯姓呂公子夫人姓馮名夷河伯字也華陰縣潼鄉隄首人水死化為河伯應劭云夷馮夷乃水仙也

史記封禪書正義

右朝邑

王官故城在同州澄城縣西北九十里晉世家作六十里又云南郊故城在縣北十七里又有北郊故城又有西郊故城左傳云文公三年秦伯伐晉

濟河焚舟取王官及郊也

史記秦本紀正義

右澄城

同州韓城縣南二十二里少梁故城古少梁國都城記云梁伯國嬴姓之後與秦同祖秦穆公

二十二年滅之

史記秦本紀正義

韓城在縣南十八里故古韓國也古今地名云

韓武子食采於韓原地城也

史記韓世家正義

彭衙故城在同州白水縣東北六十里

史記秦本紀正義

籍姑故地在同州韓城縣北三十五里史記秦本紀正義

龍門山在同州韓城縣北五十里李奇云禹鑿通河水處廣八十步三秦記云龍門水懸船而行兩旁有山水陸不通龜魚集龍門下數千不得上上則為龍故云暴鯁點額龍門下史記夏本紀正義

梁山在同州韓城縣東南十九里史記夏本紀正義

華池在同州韓城縣西南七十里在夏陽故城

西北四里史記太史公自序正義

韓原在同州韓城縣西南十八里十六國春秋

云魏顆夢父結草抗秦將杜回亦在韓原史記秦本紀正義

高門原俗名馬門原在同州韓城縣西南十八

里漢司馬遷墓在韓城縣南二十二里夏陽縣

故城東南有司馬遷冢在高門原上也史記太史公自序正義

龍門在同州韓城縣北五十里其山更黃河夏

禹所鑿者也龍門山在夏陽縣遷卽漢夏陽縣人也至唐改曰韓城縣史記太史公自序正義

右韓城

郃陽故城在同州河西縣三里已上史記魏世家正義又引云南三魏文侯十七年攻秦至鄭而還築在郃水之陽也史記高祖本紀正義

古夔國城在同州河西縣南二十里世本云莘

因妣姓夏禹之後卽散宜生等求有莘美女獻

紂者史記周本紀正義

右河西

岐州

岐州雍縣南七里故雍城秦德公大鄭宮城也

史記秦本紀正義

蕞年宮在岐州城西故城內史記秦始皇本紀正義

秦回中宮在岐州雍縣西四十里卽匈奴所燒

者也史記匈奴列傳正義

漢五帝時在岐州雍縣南已上孝武帝本紀正義又引有孟康云時

者神靈之則廊時吳陽上時下時密時北時秦

文公夢黃虵自天而下屬地其口止于廊衍作
 時郊祭白帝曰廊時秦宣公作密時於渭南祭
 青帝秦靈公作吳陽上時祭黃帝作下時亦祠
 黃帝漢高帝曰天有五帝今四何也待我而具
 五遂立黑帝曰北時是也史記秦本紀正義
 廊時吳陽上下時是言秦用四時祠上帝青黃赤
 白最尊也史記封禪書正義
 三時原在岐州雍縣南二十里封禪書云秦文
 公作廊時襄公作西時靈公作吳陽上時竝此

原上因名也

史記秦本紀正義

野人塢在岐州雍縣東北二十里

史記秦本紀正義

秦穆公冢在岐州雍縣東南二里

史記秦本紀正義

三良冢在岐州雍縣一里故城西

史記秦本紀正義

蹇叔岐州人也

史記李斯列傳正義

公孫支岐州人遊晉後歸秦

史記李斯列傳正義

右雍

故號城在岐州陳倉縣東四十里

史記周本紀正義次

西十餘里又有城亦名號城輿地志云此號文

括地志卷二

三

王母弟號叔所封是曰西號史記秦本紀正義

陳倉山在今岐州陳倉縣之南史記封禪書正義

崩亭在河南西十四里苑中輿地志云崩成縣

故陳倉縣之故鄉聚名也周繆所封也晉武帝

咸寧四年分陳倉立崩成縣屬始平郡也史記

崩成列傳正義

散關在岐州陳倉縣東南五十二里史記老莊申韓列傳

正義

寶雞神祠在岐州陳倉縣東二十里故陳倉城

史記秦本紀正義又引云寶雞神祠在漢陳倉縣故城中晉太康地志云

秦文公時陳倉人獵得獸若兔不知名牽以獻

之逢二童子童子曰此名為媚常在地中食死

人腦即欲殺之拍捶其首媚亦語曰二童子名

陳寶得雄者王得雌者霸陳倉人乃逐二童子

化為雉雌上陳倉北坂為石秦祠之搜神記云

其雄者飛至南陽其後光武起于南陽皆如其

言也史記秦本紀正義

寶雞神祠在漢陳倉縣故城中今陳倉縣之東

石雞在陳倉山上祠在陳倉城

史記封禪書正義

秦寧公墓在岐州陳倉縣西北三十七里秦陵

山帝王世紀云秦寧公葬西山大麓故號秦

陵山也

史記秦本紀正義

大梓樹在岐州陳倉縣南十里倉山上錄異傳

云秦文公時雍南山有大梓樹文公伐之輒有

大風雨樹生合不斷時有一人病夜往山中聞

有鬼語樹神曰秦若使人被髮以朱絲繞樹伐

汝汝得不困耶樹神無言明日病人語聞公如

其言伐樹斷中有一青牛出走入豐水中其後

牛出豐水中使騎擊之不勝有騎墮地復上髮

解牛畏之入不出故置髦頭漢魏晉因之武都

郡立怒特祠是大梓牛神也按今俗畫青牛障

是

史記秦本紀正義

右陳倉

郿縣故城在岐州郿縣東北十五里

史記封禪書正義

毛萇云秦文公東獵汧渭之會卜居之乃營邑

焉卽此城也

史記秦本紀正義

世紀文公徙汧

玉海通鑑地理

通釋

右郢

周公故城在岐山縣北九里召公故城在岐山縣西南十里此周召之采邑也

玉海宮室引史記正義又詩地

攷理

邵亭故城在岐州岐山縣西南十里故晉公邑

玉海詩地理攷

平陽故城在岐州岐山縣西南四十六里秦寧

公徙都之處

史記秦本紀正義

岐山在岐州岐山縣東北十里

史記夏本紀正義

茲泉水源出岐州岐山縣西南凡谷呂氏春秋云太公釣於茲泉遇文王酈元云磻磯中有泉謂之茲泉積水為渚即太公釣處今謂之凡谷有石壁深高幽邃人跡罕及東南隅有石室蓋太公所居水次磐石釣處即太公垂釣之所其投竿跪餌兩膝遺跡猶存是磻磯之稱也其水清冷神異北流十二里注于渭說苑云呂望年七十釣于渭渚三日三夜魚無食者望即忿脫

其衣冠上有農人者古之異人謂望曰子姑復
釣必細其綸芳其餌徐徐而投無令魚駭望如
其言初下得鮒次得鯉刺魚腹得書書文曰呂
望封于齊望知其異史記齊太公世家正義

右岐山

漆水源出岐州普潤縣東南岐山漆溪東入渭

史記夏本紀正義

右普潤

括地志卷第三

岱山南閣叢書

賜進士及第巡山東兗沂曹濟兼管驛傳水利黃河兵備道孫星衍輯

隴州

故汧城在隴州汧源縣南三里帝王世紀云秦

襄公二年徙居汧卽此城史記秦本紀正義

汧山在隴州汧源縣西六十里其山東鄰岐岫

西接隴岡汧水出焉史記夏本紀正義

汧水源出隴州汧源縣西南汧山東入渭史記禪書正義

河水又出於陽紉陵門之山者穆王之所至爾
雅云秦有陽紉在今扶風汧縣之西路史疏
仇紀

右汧源

豳州

豳州新平縣即漢漆沮縣也史記周本
紀正義詩豳國

公劉所邑之地也同上

右新平

豳州三水四字
意增縣西十里有豳原周先公劉所

都之地也豳城在此原上因公為名史記周本
紀正義

右三水

涇州

烏氏故城在涇州安定縣東三十里周之故地

後入戎秦惠王取之置烏氏縣也史記匈奴
列傳正義

右安定

陰密故城在涇州鶉觚縣西其東接縣城即古

密國一云即古
密須國也史記周本紀正義又
秦本紀正義節文

鶉觚密氏姑姓今陰密城在涇州之安定郡縣

志在靈臺西路史國
名紀

右鶉觚

彭城故城在涇州臨城縣東二十里史記匈奴列傳正義

右臨城

寧州

寧慶二州春秋及戰國時為義渠戎國之地也

史記秦本紀正義

寧州慶州西戎即劉拘邑城時為義渠戎國秦

為北地郡也史記秦本紀正義

湫谷水原出寧州安定縣史記封禪書正義

右安定

寧州羅川縣在州東南七十里漢陽周縣史記項羽

本紀正義

回中宮在雍州西四十里言始皇欲西巡隴西

之北從咸陽向西北出寧州西南行至成州出

雞頭山東還過岐州回中宮史記秦始皇本紀正義

黃帝陵在寧州羅川縣東八十里子午山地理

志云上郡陽周縣橋山南有黃帝冢按陽周隋

改為羅川爾雅曰山銳而高曰橋也史記五帝本紀正義

右羅川

鄜州

雕陰故縣在鄜州洛交縣北三十里雕陰故城是也史記魏世家正義

右洛交

延州

延州州城即漢高奴縣史記項羽本紀正義

延銀綏三州白翟地史記匈奴列傳正義

原州

原寧慶三州秦北地郡戰國及秦春秋時為義渠戎國之地周先公劉不窋居之古西戎也史記

秦本紀正義

笄頭山一名崆峒山在原州平高縣西百里禹貢涇水所出輿地志云或即雞頭山也酈元云蓋大隴山異名也莊子云廣成子學道崆峒山黃帝問道于廣成子蓋在此史記五帝本紀正義朝那湫祠在原州平高縣東南二十里史記封禪書正義

右平高

涇水源出原州百泉絲西南笄頭山涇谷東南

史記夏本紀正義

右百泉

靈州

薄骨律鎮城以在河渚之中隨水上下未嘗陷沒故號曰靈州初在河北胡城大統六年于果國復築城以為州即今州是也太平寰宇記靈州

梁北河在靈州界也史記衛將軍驃騎列傳正義

夏州

夏州秦上郡漢分置朔方郡魏不改隋置夏州

也史記河渠書正義

夏州朔方縣北什賁故城是按蘇建築什賁之

號益出蕃語也史記衛將軍驃騎列傳正義

右朔方

鹽州

鹽州古戎狄居之即胸衍戎之地秦北地郡也

史記匈奴列傳正義

白土故城在鹽州白池東北三百九十里又近
延州綏州銀州本春秋時白狄所居七國屬魏
後入秦秦置三十六郡洛漆沮也史記匈奴列傳正義

右白池

勝州

榆中勝州所治榆林縣

玉海通鑑地理通釋

雲中故城在勝州榆林縣東北四十里秦雲中

郡史記絳侯周勃世家正義

右榆林

勝州連谷縣本秦九原郡漢武帝更名五原史記匈奴列傳正義

右連谷

漢五原郡河目縣故城在北假中北假地名也
在河北今屬勝州銀城縣漢書王莽傳云五原

北假膏壤殖穀

史記匈奴列傳正義

朔陽縣漢舊縣也在銀州

當為勝州

銀城縣界

史記魏世

家正義

五原郡

一作相

陽縣北出石門鄯得光祿城又

西北得支就縣又西北得頭曼城又西北得牢
城河又西北得宿虜城案即築城郭列亭至廬
胸也服虔云廬匈奴地名也張晏云山名也史記

匈奴列傳正義
右銀城

綏州

上郡故城在綏州上縣東南五十里秦魏一引
字之上郡地一作也史記秦始皇本紀正
無魏
右上

慶州

不窋故城在慶州安化縣南三里即不窋在戎

狄所居之城也史記周本紀正義

右安化

洛水源出慶州洛源縣白於山南流入渭史記封禪

書正義

洛水一名漆沮水源出慶州洛源縣白於山東
南流鄜丹同三州至華陰北南流入渭非古公
所度漆沮也玉海詩地理攷

右洛源

秦故道在慶州華池縣西四十五里子午山上
自九原至雲陽千八百里史記匈奴列傳正義

右華池

蒲州

蒲坂故城在蒲州河東縣南二里即堯舜所都

也史記秦本紀正義

蒲坂今蒲州南二里河南縣界蒲坂故縣是也

史記五帝本紀正義

陶城在蒲州河東縣北三十里即舜所都也南
去厯山不遠或陶所在則可何必定陶方得為

舜陶之陶也斯或一焉史記五帝本紀正義

蒲州河東縣雷首山一名中條山亦名厯山亦
名首陽山亦名蒲山亦名襄山亦名甘棗山亦
名猪山亦名獨頭山亦名薄山亦名吳山此山
西起雷首山東至吳坂凡十一名隨州縣分之

史記五帝本紀正義

雷首山在蒲州河東縣史記夏本紀正義

蒲州河中府河東縣雷首山亦名歷山南有舜井玉海通鑑地理通釋

媯源泂水出蒲州河東南山許慎云水涯曰泂按地記云河東郡青山東山中有二泉下南流者馮水北流者泂水二水異泉合流出谷西注河媯水北曰泂也又河東縣二里故蒲坂城舜所都也城中有舜廟城外有舜宅及二妃壇史記正義

右河東

令狐故城在蒲州猗氏縣界十五里也史記秦本紀正義

右猗氏

晉陽故城今名晉城在蒲州虞鄉縣西三十五里史記魏世家正義

張陽故城一名東張城在蒲州虞鄉縣西北四十里史記曹相國世家正義

故智城在蒲州虞鄉縣西北四十里古人地名云解縣有智城蓋謂此也史記魏世家正義

右虞鄉

汾陰故城俗名殷湯城在蒲州一無此字汾陰縣北

以上秦本紀正義又引九里漢汾陰縣史記河渠書正義

右汾陰

郇伯故城三字增意在縣玉海所指縣或是此或是在猗氏未詳孰是西南

四里玉海詩地理攷

濁水源出蒲州解縣東北平地史記趙世家正義

右解

鹽故城一名司鹽城在蒲州安邑縣史記秦本紀正義

高涯原出蒲州安邑縣北三十里南坂口即古

鳴條陌也鳴條戰地在安邑西史記殷本紀正義

右安邑

汾州

西陽即中陽也在汾州隰城縣東十里地理志

云西都中陽屬西河郡史記秦本紀正義

中陽故縣在汾州隰城縣南十里漢中陽縣也

史記趙世家正義

謁泉山一名隱泉山在汾州隰城縣北注水經

云其山崖壁立崖半有一石室去地五十丈頂上平地十許頃隨國集記云此為子夏石室退老西河居此有卜商神祠今見在史記仲尼弟子列傳正義

右陽城

中都故縣在汾州平遙縣西南十二里即西都

也史記秦本紀正義一云西十二里梁孝王世家正義又引一云

在西南十二里秦屬太原郡也孝文本紀正義又引

右平遙

絳州

故垣城一作漢縣治本魏王垣也在絳州垣縣地非

西北二十里史記秦始皇本紀正義又魏世家正義節文

絳水一名白水今名弗泉源出絳山飛泉奮湧

揚波注縣積壑二十許丈望之極為奇觀史記魏世家正義

家正義

右垣

臨汾故城在絳州正平縣東北二十五里即古

臨汾縣城也史記秦本紀正義

王澤在絳州正平縣南七里史記趙世家正義

右正平

絳邑城

玉海引云故城

漢絳縣

玉海引有本晉都新田五字

在絳州

曲沃縣南二里

玉海作三里有通鑑地理通釋

或以為

秦之舊馳道也

史記絳侯周勃世家正義

絳州曲沃縣有曲沃故城土人以為晉曲沃新

城史記秦本紀正義

右曲沃

周陽故城在絳州聞喜縣東

一云東南三十九里云

二十九里史記孝文帝本紀正義及外戚世家正義

右聞喜

安邑故城在絳州夏縣東北十五里本夏之都

史記秦本紀正義

右夏

故唐城在絳州翼城縣西二十里徐才宗國都城記云唐因帝堯之裔子所封春秋云夏孔甲時有堯苗裔劉累者以豢龍事孔甲夏后嘉之賜氏御龍以更豕韋之後龍一雌死潛醢之以食夏后既而使求之懼而遷於魯縣夏后蓋別

封劉累之孫于大夏之墟為侯至周成王時唐人作亂成王滅之而封大叔更遷唐人子孫于杜謂之杜伯即范句所云在周為杜唐氏按魯縣汝州魯山縣是今隨州棗陽縣東南一百五十里上唐鄉故城即字脫是後子孫徙于唐史記晉世家

澮水縣在絳州翼城縣東南二十五里按皮牢史記趙世家當在澮之側史記趙世家

澮高山又云澮山在絳州翼城縣東北二十五

里澮水出北山也史記魏世家

右翼城

故耿城今名耿倉城在絳州龍門縣東南十二里故耿國也都城記云耿嬴姓國史記秦本紀正義又殷本紀正義

皮氏故城在絳州龍門縣西秦始皇本紀正義又引節文百

三十步一云一百八十步也自秦漢魏晉皮氏縣皆治也魏世家正義又引史記河渠書正義

右龍門

晉州

高粱故城在晉州臨汾縣東北二十七里水經汾水西南過高粱邑西

玉海通鑑地理通釋

右臨汾

平陽故城即晉州城西面今平陽故城東面也

城記云堯築也

史記外戚世家正義又五帝本紀正義引微異

平陽河水一名晉水也

史記五帝本紀正義

右平陽

故楊城本秦時楊國漢楊縣城也今晉州洪洞

縣也至隋為楊唐初改為洪縣以故洪洞鎮為

名也秦及漢皆屬河東郡

史記酷吏列傳正義

郅都墓在洪洞縣東南二十里漢書云郅都河

東大陽人班固失之甚也大陽今陝州河北縣

是亦屬河東也

史記酷吏列傳正義

右洪洞

干畝原在晉州岳陽縣北九十里也

史記周本紀正義又

趙世家正義

右岳陽

晉州霍邑縣本漢彘縣後改彘曰永安從鄆犇

晉也史記周本紀正義

彘晉州霍邑縣也鄭元云霍山在彘本秦時霍

伯國史記齊太公世家正義一作鄭元注周禮云又云春秋時霍伯國地管秦世家正義

趙城今晉州趙城縣是本彘縣地後改曰永安

即造父之邑也史記秦本紀正義

霍晉州霍邑縣又春秋時霍伯國韋昭云霍姬

姓也史記秦本紀正義

右永安

隰州

蒲邑故城在隰川縣北四十五里在蒲水之北

故言一作蒲陽以上魏世家正義又引即晉公子重耳所

居邑也史記秦始皇本紀正義

右隰川

慈州

壺口一有山字在慈州吉昌縣西南五十里史記夏本紀正義

右吉昌即吉常

故鄂城在慈州昌寧縣東二里史記晉世家正義

石州

離石縣今石州所理縣也地理志曰西河有趙
蘭離石二縣史記周本紀正義

右離石

潞州

潞州本赤狄地史記匈奴列傳正義
右 上黨

屯留故城在潞州長子縣東北三十里漢屯留

吁國也

史記秦始皇本紀正義一作縣東北三十里本漢屯留縣也趙世家正義

漳水一名濁漳水源出潞州長子縣西力黃山

地理志云濁漳水在長子鹿谷山東至鄴入清

漳史記河渠書正義

右長子

降水源出潞州屯留縣西南方東北流冀州入

海史記夏本紀正義

右屯留

故黎城黎侯國也在潞州黎城縣東北十八里
尚書曰西伯既戡黎是也史記周本紀正義

右黎城

闕與聚落今名烏蘇城在潞州銅鞮縣西北二十里又儀州順和縣城亦云韓闕與邑二所未詳又有闕與山在洛州武安縣西五十里蓋是也史記趙世家正義

銅鞮故城在潞州銅鞮縣東十五里州西六十里在并州東南也史記絳侯周勃世家正義

右銅鞮

沁州

霍太山在沁州沁源縣西七十八里一云太嶽霍山也史記夏本紀正義

三神祠今名原過祠今在霍山側也史記趙世家正義

右沁源

澤州

高都故城今澤州是史記秦本紀正義

右晉城

光狼故城在澤州高平縣西史記秦本紀正義

澤州安平縣本漢高平縣史記蕭相國世家正義

趙鄣故城一名都尉城今名趙東城在澤州高

平縣西二十五里又有故穀城此二城卽二鄣

也史記白起王翦列傳正義

長平故城在澤州高平縣西三十一里卽白起

敗括於長平處史記趙世家正義

右高平

析城山在澤州西南七十里注水經云析城山

甚高峻上平坦有二水東濁西清左右不生草

木史記夏本紀正義

右析城

代州

夏屋山一名賈屋山今名賈母山在代州鴈門

縣東北三十五里夏屋與勾注山相接蓋北方

之險亦天下之阻路所以分別內外也史記趙世家正義

勾注山一名西徑山在代州鴈門縣西北四十

里史記趙世家正義

右鴈門

後人故城在代州繁峙縣界一云界內也以上引漢後人縣也按樊噲列傳正義又

史記絳侯周勃世家正義

右繁峙

原平故城漢原平縣也在代州崞縣南三十五

里史記趙世家正義

樓煩三城四字意增在并州崞縣界地理志云在鴈

門郡史記絳侯周勃世家正義按并州當作代

右崞縣

朔州

朔州春秋時北地也如淳云卽澹林也爲李牧

滅史記匈奴列傳正義

朔州城漢鴈門卽馬邑縣城也攻韓信於馬邑

卽此城史記高祖本紀正義

武泉故城在朔州北二百二十里史記絳侯周勃世家正義

新城一名小平城在朔州善陽縣西南四十七

里史記秦本紀正義

定襄故城在朔州善陽縣北三百八十里地理

志云定襄郡高帝置也史記匈奴列傳正義

趙武靈王長城在朔州善陽縣北案長城水經

云百道長城北山上有長垣若頽毀焉公奚史記匈奴列傳正義

沿巨嶺東西無極蓋趙靈王所築也史記匈奴列傳正義

陰山在朔州北塞外突厥界史記匈奴列傳正義

右善陽

東安陽故城在朔州定襄縣界地志云東安陽

縣屬代郡史記趙世家正義

當城在朔州定襄縣界土地十三州記云當城

在高柳東八十里縣當常山故曰當城史記高祖本紀

正義朔州定襄縣本漢平城縣縣東北三十里有白

登山山上有臺名曰白登臺漢書匈奴傳曰蹋

頓圍高帝於白登七日即此也服虔云白登臺

名去平城七里李穆叔趙記云平城東七里有

土山高百餘尺方十餘里亦謂此也史記高祖本紀正義

右定襄

蔚州

靈邱蔚州理縣也

史記趙世家正義

靈邱故城在蔚州靈邱縣東十里漢縣也

史記絳侯

蔚州世

故平舒城在蔚州靈邱縣北九十三里也

史記趙世家正義

趙武靈王墓在蔚州靈邱縣東三十里

史記趙世家正義

右靈邱

摩笄山一名磨笄山亦名為山在蔚州飛狐縣

東北百五十里魏土地記云代郡東南二十五

里有馬頭山趙襄子既殺代王使人迎其姊代

王夫人曰以弟慢夫非仁也以夫怨弟非義也

磨笄自殺而死使者遂亦自殺

史記趙世家正義

右飛狐

并州

并州太原地名大明城即古晉陽城智伯與韓

魏攻趙襄子於晉陽卽此城是也史記梁孝王世家正義

右太原

大夏今并州晉陽及汾絳等州是昔高辛氏子

實沈居之西近河史記秦始皇本紀正義

故唐城在并州晉陽縣北二里城記云堯築也

宗國都城記云唐叔虞之子變父徙居晉水傍

今并理故唐城唐者卽變父所徙之處其城南

半入州城中削爲坊城牆北半見在毛詩譜云

叔虞子變父以堯墟南有晉水改曰晉侯史記晉世家

家正義

晉水源出并州晉陽縣西懸壅山山海經云懸

壅之山晉水出焉東南流注汾水昔趙襄子堡

晉陽智氏防山以水灌之不沒者三版其潰乘

高西注入晉陽城以周漑灌東南出城注於汾

陽也史記魏世家正義

右晉陽

榆次并州縣卽古榆次地也史記秦本紀正義

右榆次

梗陽故城在并州清源縣南百二十步分晉陽縣置本漢榆次縣地春秋晉大夫祁氏邑也史記趙世家正義

右清源

并州祁縣城晉大夫祁奚之邑史記孝文帝本紀正義

右祁

大陵城在并州文水縣北十三里漢大陵縣城史記趙世家正義

史記趙世家正義

右文水

狼孟故城在并州陽曲縣東北二十六里史記秦本紀正義

右陽曲

并州孟縣外城俗名原仇山亦名仇猶夷狄之國也韓子云智伯欲伐猶國道險難不通乃鑄大鐘遺之載以廣車仇猶大悅除塗內之赤章曼支諫曰不可此小所以事大而今大以遺小卒必隨不可不聽遂內之曼支因斷轂而馳至十九日而仇猶亡也史記樛甘列傳正義

右孟

昔陽故城一名陽城在并州樂平縣東春秋釋地名云昔陽服國所都也樂平城治縣東昔陽城服姓白狄別種也樂平縣城漢治縣城也史記趙世家正義

右樂平

嵐州

嵐州樓煩胡地也風俗通云故樓煩胡地也史記匈奴列傳正義

汾水源出嵐州靜樂縣北百三十里管涔山北

東南流入并州即西南流入至絳州蒲州入河

史記河渠書正義

右靜樂

懷州

故邠城在懷州河內縣西三十二里左傳云蘇

忿生七十二邑邠其一也史記秦本紀正義

故邠城在河內縣西北二十七里古邠國地也

左傳云邠晉應韓武之穆也史記周本紀正義又項羽本紀正義

太行山在懷州河內縣北二十五里有羊腸坂

史記夏本紀正義

汧水源出懷州河內縣北太行山史記項羽本紀正義

右河內

故懷城在懷州武陟縣西十一里史記夏本紀正義

右武陟

懷州武德縣本周司寇蘇忿生之州邑也史記家正義

平皋故城本邢邱邑漢置平皋縣在懷州武德

縣東南二十里一作二十五里以上史記秦本紀正義又引以其在

河之皋地也史記魏世家正義

右武德

山陽故城在懷州修武縣西北太行山東南史記

秦始皇本紀正義

右修武

懷獲嘉縣即古之南陽杜預曰在晉州山南河

北故曰南陽秦破芒卯軍斬首十五萬魏入南

陽以和史記秦本紀正義

故懷城在懷州獲嘉縣東北二十五里獲嘉古修武也史記魏世家正義

右獲嘉

故軹城在懷州濟源縣東南十三里七國時魏邑史記秦本紀正義

故原城在懷州濟源縣西北二里左傳云襄王

以原賜晉文公原不服文公伐原以示信原降以趙衰為原大夫即此也原本周畿內邑也史記

趙世家正義

曲陽故城在懷州濟源縣西十里史記魏世家正義

右濟源

故鄧城在懷州河陽縣西三十一里六國時魏邑也史記秦本紀正義

高平故城在懷州河陽縣西四十里紀年云魏哀王改向曰高平也史記趙世家正義

南韓王故城在懷州河陽縣西北四十里俗謂之韓王城非也秦時周桓王以與鄭紀年云鄭侯使辰歸晉陽向更名高平拔之則少曲當與

高平相近史記范雎蔡澤列傳正義

右河陽

故温城在懷州温縣西三十里漢晉為縣本周司寇蘇忿生之邑左傳云周與鄭人蘇忿生十二邑温其一也地理志云温縣故國已姓蘇忿生所封也史記周本紀正義

右温

王屋山在懷州王屋縣北十里古今地名云山方七百里山高萬仞本冀州之河陽山也史記夏本

紀正義

沈水出懷州王屋縣北十里王屋山頂崖下石泉停不流其深不測至縣西北二里平地其源重發而東南流為汜水史記夏本紀正義

右王屋

城蓋殷時九侯城也史記殷本紀正義

濁漳水又東經葛公亭北經三戶峽為三戶津

在相州安陽縣界史記項羽本紀正義

右安陽

伯陽故城一名邯鄲城在相州鄴縣西五十五

里七國時魏邑漢邯鄲會城史記趙世家正義

按橫渠首接漳水蓋西門豹史起所鑿之渠也

溝洫志云魏文侯時西門豹為鄴令有令名至

文侯曾孫襄王與羣臣飲祝曰今吾為臣皆如

西門豹之為人臣也史起進曰魏氏之行田也

以百畝鄴獨二百畝是田惡也漳水在其傍西

門不知用是不智知而不與是不仁仁智豹未

之盡何足法也於是史起為鄴令遂引漳水溉

鄴以富魏之河內左思魏都賦云西門溉其前

史起灌其後也史記滑稽列傳正義

右鄴

故殷城在相州內黃縣東南十三里即河宣甲

所築都之故名殷城也史記殷本紀正義

繁陽故城在相州內黃縣東北二十七里應劭云繁水之北故曰繁陽史記趙世家正義

右內黃

故戚城在相州洹舊作滏非水縣東三十里杜預云戚衛邑在頓邱縣西有戚城是也史記趙世家正義

右洹水

平陽故城在相州臨漳縣西二十五里又云平陽戰國時屬韓後屬趙史記秦始皇本紀正義

右臨漳

石城在相州林慮縣西南九十里疑相州石城

是史記趙世家正義

右林慮

磁州

馬服山在磁州邯鄲縣西北十里也史記趙世家正義

右邯鄲

衛州

衛州城故老云周武王伐紂至於商郊牧野乃築此城酈元注水經云自朝歌南至清水土地

平行據皋跨澤悉牧野也史記周本紀正義

汲縣今衛州城卽今牧野之地周武王伐紂築

也史記殷本紀正義

汲故城在衛州所理汲縣西南二十五里孟康

云漢汲縣今郟城是也史記秦本紀正義

紂都朝歌在衛州東北七十三里朝歌故城是

也本妹邑武丁始都之帝王世紀云帝乙復濟

河北徙朝歌其子紂仍都焉玉海通鑑地理通釋

比干墓在衛州汲縣北十里二百五十步史記周本

紀正義

比干見微子去箕子狂乃嘆曰王過不諫非忠

也畏死不言非勇也過而諫不用則死忠之至

也進諫不去者三日紂問何以自持比干曰修

善行仁以義自持紂怒曰吾聞聖人心有竅信

諸遂殺比干列視其心也史記殷本紀正義

右汲

魏德故城一名晉鄙城在衛縣西北五十里卽

公子無忌矯晉鄙兵故名魏德城也史記魏世家正義

義

朝歌故城在衛州東北七十三里衛縣西二十

三里謂之殷虛

玉海詩地埋攷

鹿臺在衛州衛縣西南二十二里

史記殷本紀正義

酒池在衛州衛縣西二十三里太公六韜云紂

為酒池迴船糟邱而牛飲者三千餘人為葦

史記殷本紀正義

正義

右衛

延津故俗字名臨津故城在衛州清淇縣西南

二十六里杜預云汲郡城南有延津是也

史記魏世家正義

家正

右清淇

大邳山今名黎陽東山又曰青壇山在衛州黎

陽南七里

史記夏本紀正義

右黎陽

魏州

陽狐郭在魏州元城縣東北三十里也

史記魏世家正義

義一作三十二里田世家正義

右也

卷四

七

右元城

觀澤故城在魏州頓邱縣東十八里也史記趙世家正義

陰安故城在魏州頓邱縣北六十里也史記外戚世家正義

虛頓邱三字意增二國地時屬魏史記正義曰虛謂

是頓邱故城在魏州頓邱縣東北二十里史記蘇秦列傳正義

右頓邱

故黃城在魏州冠氏縣南十里以上田世家正義又引因

黃溝為名史記趙世家正義

右冠氏

平邑故城在魏州昌樂縣東北四十里也史記趙世家正義

家正義

右昌樂

洺州

武安故城在洺州武安縣西南六里六國時趙

邑漢武安縣城也史記外戚世家正義

闕與山在洺州武安縣西南五十里以上趙奢意增

距秦軍在此山史記廉頗藺相如列傳正義

右武安

檀臺在洛州臨洛縣北三里史記趙世家正義

右臨洛

邢州

邢國故城在邢州外城內西南角玉海通鑑地理通釋

邢州城本漢襄國縣秦置三十六郡於此置信都縣屬鉅鹿郡項羽改曰襄國立張耳為常山王理信都地理志云故邢侯國也帝王世紀云

邢侯為紂三公以忠諫被誅史記云周武王封

周公旦之子為邢侯左傳云凡蔣邢茅周公之

胤也史記項羽本紀正義

右龍崗

邢州平鄉縣城本鉅鹿離圍趙王歇即此城史記

秦始皇本紀正義

鉅鹿邢州平鄉縣城玉海通鑑地理通釋

沙邱臺在邢州平鄉縣東北二十里一作三十里又云四十

里秦始皇本紀正義竹書紀年云自盤庚徙殷至紂之

滅七百七十三年更不徙都紂時稍大其邑南距朝歌北據邯鄲及沙邱皆為離宮別館史記殷本

紀正義

濁漳水一名漳水今俗名柳河在邢州平鄉縣南注水經云漳水一名大漳水兼有漫水之目也史記項羽本紀正義

右平鄉

柏人故城在邢州柏人縣西北十二里漢柏人屬趙國史記高祖本紀正義

右柏人

貝州

清陽故城在貝州清縣西北八里也史記梁孝王世家正義

右清

東陽故城在貝州歷亭縣界史記趙世家正義

右歷亭

博州

故聊城在博州聊城縣西二十里春秋時齊之

西界聊攝也戰國時亦為齊地秦漢皆為東郡之聊城也史記高祖本紀正義

右聊城

發干故城在博州堂邑縣西南二十三里史記世家正義

右堂邑

冀州

扶柳故城在冀州信都縣西三十里澤中多柳

故曰扶柳史記呂后本紀正義

昌城故城在冀州信都縣西北五里史記趙世家正義

辟陽故城在冀州信都縣西三十五里漢舊縣

史記高祖本紀正義

右信都

觀津城在冀州棗陽縣東南二十五里史記魏世家正義

右棗陽唐志作棗強

竇少君墓在冀州武邑縣東南二十七里史記外戚正義

世家正義

吾也志

卷四

九

右武邑

行唐縣屬冀州為南行唐築城史記趙世家正義

右行唐唐志無

德州

故鬲城在德州安德縣西北十五里盧縣今濟州理縣是也史記曹相國世家正義

右安德

故飾城在德州平原縣西南三十里本漢飾縣

呂他邑也史記呂后本紀正義

平原故城在德州平原縣東南十里史記曹相國世家正義

右平原

故蓀城俗名南條城在德州蓀縣南十二里漢

縣史記絳侯周勃世家正義

漢厯縣城在德州蓀縣西南四十六里玉海通鑑地理

通釋

右蓀

瀛州

河間武垣縣一云武垣故城今瀛州城是也已上趙世家正義又

右河間

故葛城一名依城又名西阿城在瀛州高陽縣西北五十里以徐兗二水並過其西又徂經其北曲曰阿以齊有東阿故曰西阿城地理志云瀛州屬河間趙分也史記趙世家正義

右高陽

衡漳水在瀛州東北百二十五里平舒縣界也

史記夏本紀正義

右平舒

平曲縣故城在瀛州文安縣北七十里史記孝景帝本

紀正義

武平亭今名渭城在瀛州文安縣北七十二里史記趙世家正義

史記趙世家正義

右文安

滄州

故南皮城在滄州南皮縣北四里本漢南皮縣

以上外戚世
家正義又引城即陳餘所封也
史記項羽本紀正義
茅焦滄州人也
史記秦始皇本紀正義

右南皮

燕留故城在滄州長蘆縣東北十七里即齊桓
公分溝割燕君所至地與燕因築此城故曰燕
留
史記燕召伯世家正義

右長蘆

陽信故城在滄州無棣縣東南三十里漢陽信
縣
史記孝文帝本紀正義

右無棣

富平故城在滄州陽信縣東南四十里漢縣也
史記滑稽列傳正義

右陽信

章武滄州魯城縣
史記外戚世家正義

右魯城

定州

上曲陽故城在定州曲陽縣西五里
史記趙世家正義

右曲陽

野臺一名義臺在定州新樂縣西南六十一里

史記趙世家正義

右新樂

定州唐縣堯後所封史記五帝本紀正義

中山故城一名中人亭在定州唐縣東北四十

一里春秋時鮮虞國之中人邑也一云爾時屬

燕國也史記趙世家正義

定州唐縣東北五十四里有孤山蓋都山也帝

王世紀云望都堯母慶都所居張晏云堯山在

北堯母慶都山在南相去五十里北登堯山南

望慶都山也注水經云望都故城東有山不連

陵名之曰孤孤都聲相近疑即都山孤山及望

都故城三處相近史記秦始皇本紀正義

右唐

北岳有五別名一曰蘭臺府二曰列女宮三曰

華陽臺四曰紫臺五曰太一宮按北岳恆山在

定州恆陽縣西北百四十里道書福地記云恆

山高三千三百丈上方二十里有大元之泉神

草十九種可度俗史記夏本紀正義趙世家正義

定州恒陽縣西南四十里有白龍水又有挾龍

山史記秦始皇本紀正義

上曲陽定州恒陽縣是下曲陽在定州鼓城縣

西五里史記曹相國世家正義

恒山在定州恒陽縣西北百四十里周禮云并

州鎮曰恒山史記封禪書正義

右恒陽

恒州恒陽縣志云恒陽縣在恒山南

常山故城在恒州真定縣南八里本漢東垣邑

也史記呂后本紀正義

右真定

宜安故城在恒州一作常山藁城縣西南二十五里

也史記秦始皇本紀正義又趙世家正義

肥纍故城在恒州藁城縣西七里春秋時肥子

國白狄別種也史記趙世家正義

右藁城

石邑故城在恒州鹿泉縣南三十五里六國

封龍山

史記趙世家正義

封龍山一名飛龍山在恆州鹿泉縣南四十五

里邑因山為名史記趙世家正義

右鹿泉

番吾故城在恆州一云房山縣東二十里番蒲

古今音異耳史記趙世家正義蘇秦列傳正義又引

右房山

幽州

昌平故城在幽州東南六十里也史記齊悼惠王世家正義

燕元英磨室二宮皆燕宮在幽州薊縣西四里

寧臺之下史記樂毅列傳正義

厯室燕宮名也史記樂毅列傳正義

右薊

廣陽故城今在幽州良鄉當為鄉縣東北三十七

里史記三王世家正義

右良鄉

鳴澤在幽州范陽縣西十五里史記封禪書正義

右范陽

方城故城在幽州固安縣南十七里史記趙世家正義

臨鄉故城在幽州固安縣六十七里史記趙世家正義

右固安

幽州昌平縣本漢渾都縣史記絳侯周勃世家正義

右昌平

燕山幽州漁陽縣東南六十里宗國都城記云

周武王封召公奭於燕地在燕山之野故國取

名焉史記周本紀正義

幽州漁陽縣本北戎無終子國史記匈奴列傳正義

右漁陽

易縣故城在幽州歸義縣東南十五里燕桓侯

所徙都臨易是也史記絳侯周勃世家正義

右歸義

易州

易州二字意增一名故安河又名北易水源出易州

易縣西谷中之東東南流過歸義縣東與滹沱

河合趙惠文王五年與燕鄭易鄭今之鄭州易

漢涿郡之故安也水經注易水經安次縣南鄭

縣故城北東至文安縣與滹沱合蘇秦曰易水以南謂此水班固以為南易

玉海通鑑地理通釋

右易

易州永樂縣有徐水出廣昌嶺三源奇發同瀉一澗流至北平縣東南歷石門中俗謂之龍門水經其間奔激南出觸石成井蓋汾字誤也遂城及永樂新城縣地也

史記趙世家正義

右永樂

桑邱城在易州遂城縣界或云在泰山非也此

時齊伐燕桑邱三晉皆來救之不得在泰山有

桑邱縣此說甚誤也

史記趙世家正義

易州遂城戰國時武遂城也

史記趙世家正義

桑邱故城俗名敬城在易州遂城縣界也

史記田世家正義

史記田世家正義

北新城故城在易州遂城縣西南二十里按遂城縣西南二十五里有龍山邢子勵趙記云龍山有四麓各有一穴大如車輪春風出東秋風出西夏風出南冬風出北不相奪倫蓋謂龍兌

也史記趙世家正義

右遂城

媯州

潘今媯州城是也史記五帝本紀正義

上谷郡故城在媯州懷戎縣東北百一十里燕

上谷秦因不改漢為沮陽縣史記絳侯周勃世家正義

釜山在媯州懷戎縣北三里山上有舜廟史記五帝本紀正義

正義

冀頡山在媯州懷戎縣東南十五里史記楚元王世家正義

義

媯州有媯水源出城中耆舊傳云卽舜釐降二

女於馮納之所外城中有舜井城北有歷山山

上有舜廟未詳史記五帝本紀正義

舜井在媯州懷戎縣西外城中其西又有一井

耆舊傳云並舜井也舜自中出帝王世紀云河

東有舜井未詳史記五帝本紀正義

阪泉今名黃帝泉在媯州懷戎縣東五十六里

出五里至涿鹿東北與涿水合又有涿鹿故城

在媯州東南五十里本黃帝所都也晉太康地
理志云涿鹿城東一里有阪泉上有黃帝祠史記

五帝本紀正義

媯州懷戎縣東北有馬蘭溪水史記絳侯周勃世家正義

右懷戎

檀州

故龔城在檀州燕樂縣界故老傳云舜流共工
幽州居此城史記五帝本紀正義

右燕樂

漁陽故城在檀州密雲縣南十八里在漁水之

陽也史記陳涉世家正義

右密雲

平州

孤竹故城一作古城在平州盧龍縣南十二里殷時

諸侯孤竹國也姓墨胎氏史記周本紀正義又封禪書正義節文

右盧龍

號州

湖水源出號州湖城縣南三十五里夸父山北

流入湖卽鼎湖也史記封禪書正義又孝武本紀正義

右湖城

熊耳山在虢州盧氏縣南五十里洛所經史記夏本紀

伊水源出虢州盧氏縣東轡山東北流入洛史記夏本紀正義

右盧氏

陝州

焦城在陝州城內東北百步一云故焦城在陝州縣東北百步古

號城中東北隅周同姓也魏世家正義又引因焦水爲名周同姓所

封左傳云虞虢焦滑霍陽韓魏皆姬姓也史記秦本紀正義

曲沃在陝州疑脫縣西南三十里因曲沃水爲

名史記秦本紀正義

曲沃故城在陝縣西三十二里按今有曲沃店

也史記楚世家正義又魏世家正義

號山在陝州陝縣西二里臨黃河今臨河有岡

阜似是積山之餘也史記魏世家正義

陝原在陝縣西南二十五里分陝不因其城乃徙原為界玉海地理引史記正義

右陝

底柱今脫此字山俗名三門山硤石縣東北五十里

黃河之中史記夏本紀正義

右硤石

桃水在陝州桃林縣西至潼關皆為桃林塞地山海經云夸父之山北有林焉名曰桃林廣闊三百里中多馬一云湖水出焉北流入河也史記周本紀正義造父於

此得驊騮耳之乘獻周穆王也史記趙世家正義

函谷關在陝州桃林縣西南十二里秦函谷關也圖記云西去長安四百餘里路在谷中故以為名史記項羽本紀正義

曹陽故亭一名好陽亭在陝州桃林縣東南十四里史記秦始皇本紀正義

右桃林陳涉世家正義又引

故虞城在陝州河北縣東北五十里虞山之上古虞國也故芮城縣西二十里古芮國也晉太

古也志 卷四

右桃林

古也志 卷四

康地記云虞西百四十里有芮城已上史記周本紀正義又

引酈元注水經云幹橋東北有虞城堯以女嬪

於虞之地也史記五帝本紀正義

大陽今陝州河北縣是亦屬河東郡也史記酷吏列傳

正義

茅津及茅城在陝州河北縣西二十里注水經

云茅亭茅戎號史記秦本紀正義

茅津在陝州河北縣大陽縣也渡河自茅津南

渡河也史記秦本紀正義

故鄠城在陝州河北縣東十里虞邑也杜預曰

河東大陽有鄠城是也史記楚世家正義

廣城故城在陝州河北縣東北五十里虞山之

上亦名吳山周武王封弟虞仲於周之北故夏

墟吳城卽此城也史記秦本紀正義

閒原在河北縣西六十五里詩云虞芮質厥成

毛萇云虞芮之君相與爭田久而不平乃相謂

曰西伯仁人盍往質焉乃相與朝周二國君相

謂曰我等小人不可履君子之庭乃相讓所爭

地以為閒原至今尚在史記周本紀正義

盜跖冢在陝州河北縣西二十里河北縣本漢

大陽縣也又今齊州平陵縣有盜跖冢未詳史記

伯夷列傳正義

右河北

薄山亦名衰山一名寸棘當為甘棗一名渠山一名

雷首一名獨頭一名首陽一名吳山一名條山

在陝州芮城縣北十里此山西起雷山東至吳

坂凡十名以州縣分之多在蒲州史記封禪書正義

右芮城

唐州

桐柏山在唐州東南五十里淮水出焉史記夏本紀正義

右桐柏

